

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA
Broj: T04 0 KT 0062618 25
Zenica, 07.01.2026. godine

OPŠTINSKI SUD U VISOKOM
Sudija za prethodno saslušanje
VISOKO

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

OPTUŽNICU

Protiv:

B. M., ..., neosuđivan,

Što je:

U vremenskom periodu od 26.08.2024. do 10.01.2025. godine, u Brezi, više puta nasiljem prema drugom ugrozio građanski mir i ugrozio sigurnost ozbiljnom prijetnjom da će napasti na život M. N., na način da je:

- u periodu nakon 26.08.2024. godine, u vozilu koje se nalazilo na putu kod ..., M. N. bacao po autu, davio je, prijetio joj da će je ubiti,
 - dana 20.12.2024. godine ugrozio sigurnost M. N. na način da je istoj rekao da se pozdravi sa roditeljima i da će joj presuditi, a što je kod iste izazvalo strah i uznemirenost, da bi potom u večernjim satima nakon što je došao kući bez ikakvog razloga i povoda M. N. je zadavao udarce šakama, nogama po cijelom tijelu, istu je davio, uslijed čega je N. izgubila dah, te uslijed čega je N. pomislila da će umrijeti, nakon čega joj je rekao da se pozdravi sa svima, jer će joj presuditi,
 - dana 22.12.2024. godine, nakon što je B. M. napravio zajednički profil njega i M. N. na društvenoj mreži Instagram, te kada je došao zahtjev za novi profil, bez ikakvog razloga i povoda zadao više udaraca nogama po cijelom tijelu, uslijed čega je N. zadobila modrice po rukama, vratu i leđima,
 - dana 01.01.2025. godine nakon što je N. otac objavio njen snimak nastupa na TV-u na društvenoj mreži Facebook, B. M. bez ikakvog razloga i povoda fizički napada M. N., na način da ju je položio na krevet, da bi potom sjeo na nju i pritisnuo je rukama u predjelu grudi,
- sve vrijeme svjestan da takvim ponašanjem ugrožava građanski mir i da ugrožava sigurnost ozbiljnom prijetnjom da će napasti na život i tijelo M. N., a što je i htio,

Dakle, nasiljem prema drugom ugrozio građanski mir i ugrozio sigurnost ozbiljnom prijetnjom da će napasti na život i tijelo druge osobe,

Čime je učinio krivično djelo „Nasilničko ponašanje“ iz člana 362. stav 1. KZ F BiH i krivično djelo „Ugrožavanje sigurnosti“ iz člana 183. stav 1. KZ F BiH.